

Na osnovu člana 25. Zakona o predmetima od plemenitih metala u Federaciji Bosne i Hercegovine ("Službene novine Federacije BiH", broj 7/12), federalni ministar energije, rudarstva i industrije donosi

**PRAVILNIK
O SADRŽAJU, POSTUPKU IZDAVANJA I VOĐENJU
REGISTRA IZDATIH POTVRDA ZA UVOZ SIROVINA,
LEGURA I PREDMETA OD PLEMENITIH METALA**

Član 1.

Pravilnik o sadržaju, postupku izdavanja i vođenju registra izdatih potvrda za uvoz sirovina, legura i predmeta od plemenitih metala (u daljem tekstu: pravilnik) propisuje sadržaj potvrde za uvoz sirovina, legura i predmeta od plemenitih metala (u daljem tekstu: Potvrda) u Federaciju Bosne i Hercegovine, postupak izdavanja i vođenje registra izdatih potvrda za potrebe obavljanja carinskih poslova pri uvozu, radi zaštite zdravlja, sigurnosti i javnog interesa od uvoza roba koje ne zadovoljavaju propisane tehničke i druge zahtjeve.

Član 2.

- (1) Prilikom uvoza sirovina, legura i predmeta od plemenitih metala, uvoznik ili zastupnik stranog proizvođača (u daljem tekstu: podnosilac zahtjeva) mora imati Potvrdu izdatu od strane Zavoda za mjeriteljstvo u sastavu Federalnog ministarstva energije, rudarstva i industrije (u daljem tekstu: Zavod).
- (2) Potvrdu iz stava (1) ovog člana, ukoliko se radi o sirovinama, legurama i predmetima od plemenitih metala koji su uvezeni na području Republike Srpske a stavljaju se u promet na područje Federacije Bosne i Hercegovine, može zamijeniti samo carinska deklaracija i ni jedna druga isprava izdata od bilo kojeg domaćeg ili stranog subjekta.

Član 3.

- (1) Postupak za izdavanje Potvrde pokreće se podnošenjem pisanog zahtjeva Zavodu, na propisanom obrascu koji je sastavni dio ovog pravilnika (Prilog 1.), neposredno ili poštom.
- (2) U zahtjevu iz stava (1) ovog člana obavezno se navode podaci o podnosiocu zahtjeva ukoliko isti nema memorandum i popunjavaju sve rubrike, čitko i uredno, na jednom od tri službena jezika u Bosni i Hercegovini.
- (3) Podnosilac zahtjeva je dužan da, minimalno, priloži dokument o uvozu (faktura, profaktura, račun, predračun i dr.), dokaz o uplati posebnim propisom utvrđene naknade za izdavanje Potvrde i dokaz o uplati upravne takse propisane Zakonom o federalnim upravnim taksama i tarifama federalnih upravnih taksi ("Službene novine Federacije BiH", br. 6/98 i 8/00).

Član 4.

- (1) Nakon dostave zahtjeva sa propisanom dokumentacijom, Zavod će utvrditi njihovu kompletnost u roku od pet radnih dana od dana prijema zahtjeva.

- (2) Ako se utvrdi da zahtjev nije kompletan u smislu člana 3. ovog pravilnika ili podaci nisu dovoljno jasni, Zavod će pozvati podnosioca zahtjeva da u roku od pet radnih dana otkloni utvrđene nedostatke.

Član 5.

- (1) Ako su zahtjev i prilozi propisani članom 3. ovog pravilnika potpuni i ako navedena količina odgovara količini iz priloženog dokumenta o uvozu, Zavod će odlučiti o zahtjevu u roku od 8 radnih dana od dana podnošenja ili kompletiranja zahtjeva u skladu sa članom 4. stav (2) ovog pravilnika i izdati jednu Potvrdu za uvoz sirovina, legura i predmeta od plemenitih metala.
- (2) Potvrda iz stava (1) ovog člana izdaje se za jednu isporuku sirovina, legura i predmeta od plemenitih metala.

Član 6.

- (1) Ukoliko izdata Potvrda sadrži pogrešno upisane podatke, na istoj će se izvršiti ispravka po službenoj dužnosti ili na traženje podnosioca zahtjeva.
- (2) U slučaju da je greška u zahtjevu a podnosilac zahtjeva o tome nije blagovremeno obavijestio Zavod, preuzet će Potvrdu iz stava (1) ovog člana i ukoliko ocijeni potrebnim podnijeti zahtjev za izdavanje nove Potvrde.

Član 7.

- (1) Zavod vodi registar Potvrda izdatih od strane Zavoda koji sadrži podatke iz navedenih potvrda.
- (2) U registru iz stava (1) ovog člana vodi se i evidencija carinskih deklaracija iz člana 2. stav (2) ovog pravilnika.

Član 8.

Nakon uvoza a prije stavljanja sirovina, legura i predmeta od plemenitih metala u promet, podnosilac zahtjeva je obavezan da Zavodu podnese pisani zahtjev za ispitivanje i žigosanje na obrascu propisanom posebnim aktom.

Član 9.

- (1) Izvoznik predmeta od plemenitih metala obavezan je pismeno obavijestiti Zavod o izvozu sirovina, legura i predmeta od plemenitih metala, na propisanom obrascu koji je sastavni dio ovog pravilnika (Prilog 2.), neposredno ili poštom.
- (2) U registru iz člana 7. ovog pravilnika vodi se i evidencija o izvezenim sirovinama, legurama i predmetima od plemenitih metala.

Član 10.

Ovaj pravilnik stupa na snagu narednog dana od dana objave u "Službenim novinama Federacije BiH" a sa primjenom će se početi devet mjeseci nakon dana stupanja na snagu.

Broj 11-02-1158/13
08. januara 2015. godine
Mostar

Federalni ministar
Erdal Trhulj, s. r.

Prilog 1.

**MEMORANDUM podnosioca zahtjeva ili
Naziv podnosioca zahtjeva, identifikacioni broj, sjedište, adresa i tel/fax**Broj:
Datum:

Federalno ministarstvo energije, rudarstva i industrije Zavod za mjeriteljstvo Centar Sarajevo / Mostar / Tuzla

Predmet: Zahtjev za izdavanje Potvrde za uvoz sirovina, legura i predmeta od plemenitih metala

Obraćam se zahtjevom da u smislu člana 13. Zakona o predmetima od plemenitih metala u Federaciji Bosne i Hercegovine ("Službene novine Federacije BiH", broj 7/12), izdate Potvrdu za uvoz sirovina, legura i predmeta od plemenitih metala:

Naziv robe _____

Količina (kom ili g) _____

Zemlja porijekla _____

Uvoz iz _____

Uvoznik _____

Registarski broj
uvoznika¹ _____

Korisnik _____

Kontakt osoba
(ime, prezime, tel/faks) _____

Napomena: Ako se uvozi više od jedne vrste predmeta od plemenitih metala, legura ili sirovina **potrebno je** popuniti i obrazac "Specifikacija predmeta od plemenitih metala, legura ili sirovina", koji je sastavni dio ovog zahtjeva.

Ukoliko specifikacija sadrži više stavki, ista se na traženje Zavoda dostavlja i e-mailom.

Uz zahtjev je **obavezno** priložiti dokumentaciju u skladu sa Pravilnikom o sadržaju, postupku izdavanja i vođenju registra izdatih potvrda za uvoz sirovina, legura i predmeta od plemenitih metala.

Podnosilac zahtjeva

M.P.

¹ Broj pod kojim se dobavljač vodi u Registru znakova dobavljača za Federaciju Bosne i Hercegovine

Prilog 2.

MEMORANDUM podnosioca zahtjeva ili
Naziv izvoznika, identifikacioni broj, sjedište, adresa i tel/fax

Broj:
Datum:

Federalno ministarstvo energije, rudarstva i industrije Zavod za mjeriteljstvo Centar Sarajevo / Mostar / Tuzla

Predmet: Obavijest o izvozu sirovina, legura i predmeta od plemenitih metala

U skladu sa članom 9. Pravilnika o sadržaju, postupku izdavanja i vođenju registra izdatih potvrda za uvoz sirovina, legura i predmeta od plemenitih metala, obavještavam vas o izvozu sirovina, legura i predmeta od plemenitih metala:

Naziv robe	_____
Količina (kom ili g)	_____
Stepen čistoće	_____
Zemlja porijekla	_____
Dobavljač	_____
Registarski broj dobavljača ¹	_____
Izvoz u	_____
Kontakt osoba (ime, prezime, tel/faks)	_____

Napomena: Ako se izvozi više od jedne vrste predmeta od plemenitih metala, legura ili sirovina **potrebno je** popuniti i obrazac "Specifikacija predmeta od plemenitih metala, legura ili sirovina", koji je sastavni dio ovog zahtjeva.

Ukoliko specifikacija sadrži više stavki, ista se na traženje Zavoda dostavlja i e-mailom.

M.P.

Izvoznik

¹ Broj pod kojim se dobavljač vodi u Registru znakova dobavljača za Federaciju Bosne i Hercegovine

